

KALAALLIT NUNAANNI
PIFFISSAQ QASUERSAARFISSAQ
AAMMA ULLOQ UNNUARLU
SULINGIFFEQARNEQ



Sullivinnik
Nakkutilliisoqarfik

 +299 34 25 90

 at@at.gl

KALAALLIT NUNAANNI PIFFISSAQ QASUERSAARFISSAQ AAMMA ULLOQ UNNUARLU SULINNGIFFEQARNEQ

Kalaallit Nunaanni piffissaq qasuersaarfissaq aamma ulloq unnuarlu sulinngiffeqarneq – sunaana?

Sullivimmi isumannaallisaaneq peqqinnissarlu siuarsariarlugit ilaatigut pingaaruteqarpoq, qasuersaarnisamat imaluunniit suliffimmi sulinngiffeqarnissamat periarfissaqarsimanissaq. Taamaattumik qasuersaarnisamat aamma ulloq unnuarlu sulinngiffeqarneq pillugu nalunaarummi makku pingaarnerpaapput:

· Sulisorisaq akunnerit 24-t ingerlanerini minnerpaamik akunnerni 11-ni ataannartumik qasuersaarfissaqartinneqassaaq.

· Ullut unnuallu arfineq-marluk tamarmik immikkut ingerlanerini sulisorisaq sapaatit akunneranoortumik ullormik unnuamillu ataatsimik sulinngiffissaqartitaassaaq ullormut qasuersaarfissaatitaasumut uiggiunneqarsinnaasumik.

SAPAATIT AKUNNERANOORTUMIK ULLOQ UNNUARLU SULINNGIFFEQARFISSAQ SAPINNGISAMIK PITINNIARNEQARTASSAAQ SAPAATINI, AJORNARTINNAGULU TAMANUT ATAATSIKKUT SULLIVIMMI SULISORINEQARTUNUT. SULISORINEQARTUNUT.

Suliffeqarporli aamma, piffissaq ullormut qasuersaarfissaq akunnernit 11-nit arfineq pingasunut sivikillineqarsinnaalluni:

1. Sullivinni, nikittaattunik sulisoqarluni ingerlatsisuni suleqatigiiaat ataatsit suliaminnik naammassinnereerenerisiigut suleqatigiiaallu allat sulinermi aallartinnerisa akornanni akunnerni 11-ni piffissaq qasuersaarfissaq ingerlanneqarsinnaatinnagu.

2. Sulisitsisumut nunalerinermik suliaqarnermi ukiumut ullut 30-it tikillugit. Sulisitsisumut aallaaniartarnermi piniartarnermilu ukiumut ullut 30-it tikillugit.

3. Suliffeqarfiit ukiumoortumik naatsorsuusiorlutillu kisitsineranni imaluunniit akikilliliineranni, annerpaamilli ukiumi ataatsimi ilivitsumi ataatsimi 14-eriartumik.

4. Juulliaq ullunik 14-nik sioqqullugu quersuarni pisinarfennilu ulluni kingullerni sulinerni.

5. Piffissami 1. maj-imiit 1. oktober-imut aalisakkanik tunioraaruttulernerup nalaani aalisakkerivinni sulinerni.

6. Aputaajaaneq.

7. Piffissaq angalaffik ataannartumik, nal. akunneri 8 sinnerlugit sivilissusilik.

Ingerlatsivinni suliffeqarfimmiluunniit inuiaqatigiit

ingerlanissaannut pingaarutilimmi, piffissap suliffiusup avataatigut ataatsimiinnerni kultoorikkulluunniit aaqquisuussinerni peqataasussaattilluni, pingaartumik inunnut allanut attaveqartussaattilluni, ullormut piffissaq qasuersaarfissaq akunnernut 8-nut sivikillineqarsinnaavoq, tamannali annerpaamik ukiumut 20-eriarluni pisinnaavoq. Taamaattoqarsimatillugu taarsiissutitut piffissanik qasuersaarfissaqartitsisoqartassaaq imaluunniit ullunik unnuanillu sulinngiffeqartitsisoqartassalluni.

Usilersuinermi usingiaanermilu,

aalajangersumik atorfinitsitaanngitsunik sulisoqarnerulluni ingerlanneqartussat, aamma tamatumunnga attuumassutilittut pisarialinnik suliaqarnerit, suliallu nikittaattunik sulisoqarluni pinngippat, piffissaq akunnerni 11-ni aamma 8-ni qasuersaarfissaq aamma atuutinngilaq. Nunalerinermik suliaqarnermi, aallaaniarnerni piniarnernilu piffissaq akunnerni 8-ni qasuersaarfissaq aamma atuutinngilaq. Taarsiullugu qimmuuttoorluni sulereernerup kingorna minnerpaamik akunnerni 9-ni ataannartumik qasuersaarfissaqartitsereernikkut sulisut suliseqqinneqarsinnaapput. Tamanna aamma atuutissaq nunagisap iluani angallatini ilaasartaatini sulinermi aamma nunalerinermi avammut nioqquteqarluni imaatigut assartuutini sulinermi.




Taamaattoqarsimatillugu taarsiissutitut piffissanik qasuersaarfissaqartitsisoqartassaaq imaluunniit ullunik unnuanillu sulinngiffeqartitsisoqartassalluni.

Ingerlatsivinni suliffeqarfimmiluunniit, sulinermi, inuiaqatigiit ingerlatinneqarnerannut pingaarutilimmi assigisaannilunniit, piffissaq qasuersaarfissaq ataaseq imaluunniit ulloq unnuarlu sulinngiffeqarnissaq ataaseq pillugu piumasaqaat avaqqunneqarsinnaavoq, suliassaq kinguartinneqarsinnaangippat aamma piffissaatillugu Sullivinnik Nakkutilliisoqarfiup pisortaanut immikkut ittumik akuersissummik pissarsiniarnissamut periarfissaqanngippat.

Taamaattoqarsimatillugu taarsiissutitut piffissanik qasuersaarfissaqartitsisoqartassaaq imaluunniit ullunik unnuanillu sulinngiffeqartitsisoqartassalluni.

- Suliffeqarfiit ukiumoortumik naatsorsuuserinissaannut, kisitsinissaannut akikilliliinissaannullu atatillugu piffissap akunnernut 8-nut sivikillineqarnissaa sioqqullugu
- ukiumut 14-eriarluni, aamma juulliaraq sioqqullugu pisiniarfinni quersuarnilu ulluni 14-ni qimmuttoorluni sulinissat sioqqullugit
- aamma suliffiup naliginnaasup avataatigut ataatsimiinerni imaluunniit kultoorikkut suliaqarnerni inunnik allanik naapitaqarfiusuni, sulinnginnermi
- aamma sapaatip akunneranut ulloq unnuarlu sulinngiffiusussap piffissamut allamut kinguartinneqannginnerani, inunnik, uumasunik nausunillu suliaqaraanni
- imaluunniit nunalerinermi, aallaaniarneri piniarnermiluunniit suliffeqaraanni
- imaluunniit naleqartitat pigiinnarneqarnissaannut pisarialimmik suliaqaraanni
- aamma piffissap qasuersaarfiussap akunnernut arfneq pingasunut sivikillineqannginnerani imaluunniit kinguartinneqannginnerani suliartoqquneqariataarsinnaanermut atatillugu
- aammalu ingerlatsivimmi imaluunniit inuiaqatigiit ingerlanneqarnerannut pingaarutilimmik suliaqarnermi sapaatip akunneranut ullup unnuallu sulinngiffeqarfiusussap allanngortinneqannginnerani,
- taava sulinerup pilersaarusiorneqarnissaa aamma piffissap qasuersaarfiussap sivikillineqarnissaa aamma ullup unnuallu sulinngiffeqarnissap allanngortinneqarnissaa pillugit, sulisitsisup isumannaallisaanermut sinniisoq aamma sulisut sinniisaat - taamaattoqarsimappat - oqaloqatigissavai sulisullu, sulisitsisup aalajangiinnginnerani.





Angalaneq

Sulinermut atatillugu piffissat angalanerit sulinerupput, suliatorfimmumut piffissaq atorneqartoq nalinginnaasumik piffissap suliatornermut atorneqartartumit sivisunerus-sutaa eqqarsaatigalugu.

Suliantoqquneqaratarsinnaaneq

Piffissaq suliantoqquneqaratarsinnaanermut suliffigisami atorneqarpat, piffissaavoq sulinermi atorneqartoq, suliffiulli avataani atorneqarpat, tassa piffissaq qasuersaarfik atorneqassaaq. Suliantoqquneqaratarsinnaanerup nalaani suliantoqquneqaraanni sulineruvoq – piffissaq qasuersaarfik

kipineqarpoq – sivisussuseqassallunilu – angerlamut apuunnissap imaluunniit sulinerup taamaatinnissaata tungaanut.

Taava piffissaq qasuersaarfik uterfigeqqinneqassaaq.

Ingerlatsivimmi suliffeqarfimmiluunniit inuiaqatigiit ingerlannerannut pingaarutilimmik suliaqarfiusumi suliantoqquneqariataarnermi piffissaq qasuersaarfiusussaq akunnernut 8-nut sivikillineqarsinnaavoq kinguartinneqarsinnaalluniluunniit suliffiup kingulliup naammassinerata kingoranut. Tamanna sivisunerpaamik pisinnaavoq ukiumi ilivitsumi qaammatini tamani ulluni unnuanilu 10-ni sivisunerpaamillu ukiup ilivitsup ingerlanerani ulluni unnuanilu 45-ni.

Sulineq pitsaasuvoq, kisianni navianaqutigisinnaasaa tassaavoq, sulineq timikkut tarnikkullu sukkavallaamik nungullarsaataasinnaammat. Piffissaq qasuersaarfiusussaq aamma ulloq unnuarlu sulingiffiusussaq pillugit paasisaqarnerorusukkuit ukunani pisinnaavatit: **www.at.gl**, sulisitsisunni imaluunniit kattuffinni.

